



Inatsisartuni ilaasortamut
Isak Johannesen
Naleraq

14-08-2026
Suliap normua

Allakkap ilisarnaataa
26734616

Postboks 260
3900 Nuuk

Oqarasuaat (+299) 34 50 00
Nassitsigasuaat (+299) 34 66 66
E-mail: miin@nanoq.gl
www.naalakkersuisut.gl

Ilaqutariinnut paarsisartunut ikiuisarneq pillugu § 37 naapertorlugu apeqquteqaatip nr. 133_2026-p akineqarnera

Isak Johannesenimut

Apeqqutigisannut qujanaq. Apeqqutigisatit tullinnguuttuni ataasiakkaarlugit allaqqinneqarput akissuteqarfigineqarlutillu.

Apeqqutigineqartut 1, 2, 2a, 2b, 2c 2d-lu akissuteqarfiginiarlugit Isumaginninnermut Aqutsisoqarfimmut paasissutissanik pissarsiniartoqarsimavoq.

1. Kalaallit Nunaanni paarsisartunik ilaqutariinnik akuersissuteqarfigineqarsimasunik qassinik peqarpa, kommunikkaartumik agguataarlugit?

Massakkorpiaq ilaqutariit paarsisartut akuerineqartut 214-it nalunaarsorneqarsimapput, kommunini agguataarneqarneri tullinnguuttumi takuneqarsinnaapput:

Kommune	Kommuneqarfik Sermersooq	Kommune Qeqertalik	Qeqqata Kommunia	Kommune Kujalleq	Avannaata Kommunia
Ilaqutariit paarsisartut nalunaarutigineqartut	Ca. 90*	25	40	31	28

*Kommuneqarfik Sermersuumut naatsorsuineq tamakkiisuunngilaq, kommunimi suliatigut aaqqissuussaminik unammilligaqarneri pissutaalluni paasissutissat tamaasa nassiussimannginnamikkit.



2. Paarsisartunik ilaqutariinnut ullumikkut suut tapersiinertut neqeroorutaappat, matumani tarnip pissusaanik immikkut ilisimasalimmik ikiorsiineq, nakkutiginninneq (supervision), oqilisaassineq kiisalu pikkorissartitsinerit ilinniaqqinnerillu ilanngullugit?

Ilaqutariit paarsisartut Isumaginninnermut Aqutsisoqarfimmiit kommuniniillu tapersersorneqarnissamik ikiorneqarnissamillu neqeroorfigineqartarput.

Ilaqutariit paarsisartut Isumaginninnermut Aqutsisoqarfik aqqutigalugu oqaloqateqarnissamik neqeroorfigineqartarput. Tamatuma saniatigut aalajangersimasumik nalilersuereernerup kingorna oqilisaassineq neqeroorutigineqarsinnaavoq. Taamatuttaaq SPS-imit qarasaasiaq atorlugu, nuna tamakkerlugu pikkorissarnissamik neqeroorut aqqutigalugu, ilaqutariit paarsisartut ilinniaqqinnissamut periarfissaqarput. Tamatuma saniatigut Isumaginninnermut Aqutsisoqarfik tunngaviumik pikkorissaanernik ingerlataqartarpoq.

- a) Taamaattoqarsimanngippat Naalakkersuisut isumaliutersuutigaat paarsisartunik ilaqutariinnut nuna tamakkerlugu aaqqissuussinermik pilersitsinissaq, tassani tarnip pissusaanik immikkut ilisimasalimmik ikiorsiineq, nakkutiginninneq (supervision) kiisalu pisariaqartitsisoqartillugu piaartumik siunnersorneqarnissamut periarfissaqarnissaat?**

Isumaginninnermut Aqutsisoqarfik aqqutigalugu ilaqutariit paarsisartut oqaloqateqarnissaanut nuna tamakkerlugu aaqqissuussinermik pilersitsisoqareersimavoq. Ilaqutariit paarsisartut kommunini ilaqutariinnut paarsisartunut siunnersortit aqqutigalugit pinasuartumik siunnersorneqarsinnaapput.

Peqatigisaanik inissiisarnermut suliassaqaqfimmi iliuusissatut pilersaarutip nutaap ilaattut, tarnip pissusaanik ilisimasalimmit ikiorneqarnissamut, oqaloqateqarnissamut pinasuartumillu siunnersorneqarnissamut periarfissat annertusiniarlugit Naalakkersuisut sulissuteqarput.

- b) Kommunit akornanni paarsisartunik ilaqutariinnut tapersiinnermut aaqqissuussinerni assigiinngissuteqartoqarpa?**

Ilaqutariit paarsisartut pillugit Namminersorlutik Oqartussat nalunaarutaanni nr. 13, 10. oktober 2019-imeersumi kapitali 4 naapertorlugu, kommunit ilaqutariinnik paarsisartunik tapersersuinissaannut minnerpaaffissatut piumasaqaatit arlallit atuupput. Ilaatigut takuneqarsinnaavoq angajoqqaarsiatut akuerineqassappata, angajoqqaarsiat marluullutik tunngaviumik pikkorissarnermik ingerlataqarsimassasut. Taamatuttaaq kommunit ilinniaqqinnissamik aamma oqaloqateqarnissamik/sulinikkut tapersersorneqarnissamik neqerooruteqarnissaminnik pisussaaffeqarput. Taamatuttaaq angajoqqaarsiat neqeroorutigineqartunut peqataanissaminnut pisussaaffeqarput. Piumasaqaatini inatsisitigut aalajangersarneqarsimasuni, kommunit assigiinngitsut akornanni ataatsimut minnerpaaffissamik qaffasissuseqartoqassasoq, ilaatigut inatsimmiippoq.

- a. Aappiuppat, suut assigiinngissutaappat?**



c) Ukiuni kingullerni tallimani paarsisarnermut inissiinerit qassit piffissap naammassinnginnerani unitsinneqarsimappat, tamatumunngalu pissutaasut suut nalunaarsorneqarsimappat?

Ukiut kingulliit tallimat ingerlaneranni paarsaqartitsinerit qassit piffissaq sioqqullugu unissimanersut nuna tamakkerlugu ataatsimut Naalakkersuisut paasissutissamik pigisaqanngillat.

Pissutaasartut Isumaginninnermut Aqutsisoqarfiup sulinermini ilaatigut ilisimalersimasai tassaapput ilaqutariit paarsisartut meeqqallu sullissisuanik suliarinnittartuata akornanni suleqatigiittoqarnerani unammillernartoqalersimasinnaaneri.

d) Naalakkersuisut misissorsimavaat paarsisartunik ilaqutariinnut naammattumik tapersiinnnginneq inissiisarnerit kipitinneqarnerisa amerlassusaannut sunniuteqarnerisq?

Ilaqutariinnut paarsisartunut amigartumik tapersersuinerit inissiinerillu atorsinnaajunnaartut akornanni ataqatigiittoqarneranut, nuna tamakkerlugu misissuinerimik Naalakkersuisut ingerlataqarnikuunngillat.

Taamaakkaluartoq Isumaginninnermut Aqutsisoqarfiup sulineranit misilittakkat takutippaat, ilaqutariit paarsisartut ingerlalluarnerannut, pigiinnarnissaannullu sulinikkut tapersersuisarnerit, siunnersuinikkut piginnaasanillu qaffassaasarnerit pingaaruteqartut.

e) Naalakkersuisut suliniuteqarnissamut pilersaaruteqarpat paarsisartunik ilaqutariinnut tapersiinnissamut nuna tamakkerlugu minnerpaaffissanik aalajangersakkani suliaqarnissamut, taamaalillutik paarsisartunik ilaqutariit meerartaallu najugaqarfiat apeqqutaatinnagu assigiimmik atugassaqartinneqarnissaat qulakkeerneqassammat?

Isumaginninnermut Aqutsisoqarfik suleqatigalugu neqeroorutit nuna tamakkerlugu pigineqartut assigiinngitsut assigiinnerulernissaat sulissutigineqarpoq.

Inussiarnersumik inuulluaqqusillunga

Mariane Paviassen Jensen
Mariane Paviassen Jensen